

S. 583

(46)

10-1b

27/7/27

S. Naosa

Theft and Thieves

K32/27

1/5

1

1b

(Lesodu) Kutso.

Basotho ba re fa motho utswa ya bo e le selo sa lesika la gabo, a gumane yo mongwe wa gabo ya neng a utswa. Monna wa Mfatlha yo go neng go thwe Mpotso wa ga Gakala ke yena ya neng a tumile thata ka go utswa. Fa go paka Makwena mosadi wa Makgwane ga Mfatlha o re fa go ne go robalwa Mpotso le yena o ne a robela e tlo re fala batho ba robetse a tsoge a yo utswa puji kapa nku, a e ise dithabeng a fitlhe a golole dinama, a nne a di je a ba a di fetse a le nosi. Go thwe fa a ne a utswile kgogo o ne a fata fa go goletswang molelo a e kapele, janong fa pitsa di apeilwe mantšiboya nama ya gagwe e buduswa ke lebududu la iso. E tlo re bosiu batho ba robetse a ya a isong a fatolla nama ya kgogo, a ja. Mots'usi wa Tsiane ga Mfatlha a re e kile ya ba ba monna a fatolla nama ya kgogo isong kwa ga Setlhako. E rile a ba bona a tshaba a yo go e jela lefifing. Ga thwe ko Monyagole Bakgatlong ba Mosetlha Mpotso o kile a yo utswa nku ya mohatla wa mafura, a yo e bolaela thabeng tsa Takaneng, ga thwe e rile fale Bakgatla ba sa batla nku Mpotso a yo go utswa kolobe gona Monyagole, fa banna ba sa batla la kolobe Mpotso monna wa Gakala a ya go utswa nku ye ngwe. Batho ba tlhakana ditlhogo ba Mosetlha ba mmatla ba ba oa mo gumana ditnabeng tsa Takaneng a fari-farilwe ke dinama. Go thwe e rile fa ba sa na go mmofa ba gotsa molelo banna ba Bakgatla ba mo tshuma diatla le molomo, a ba a sala a re gibaa, ba mo lesa a tshaba a ya le dithaba tsa Takaneng. Go thwe fa a sala a a tshaba le ka jeno ga go itswe gore Mpotso o swetse kae.. Bamfatlha bare lesa la lesodu le tla ka bonako le ko le swelang le jewa ke dibatana le manang. Lesodu le swela kgole.

2

Lukase monna wa Matsila o kile a utswa ponto ts. tharo tsa T_gu monna wa Nawe kwa Dithining ba le tiro. E rile fa Tau a lemoga gore tshelate ya gagwe e utswitswe, ya bo Lukase a setse a duetse melato ka yona, madi a setseng a setse a rekile bojalwa ka ona. Banna ba Mfatlha ba ba leng tirona ba phuthana ba butsisana mme

ditaba tsa tawa ka monna wa Matsila, le yena Lukase a dumela gore madi o a jele, jaana banna ba mo athola ka gore fa kgwedi e fela a duele Tau. Janong e rile kgwedi e fela a busa madi a ponto tse tharo a Tau molato wa fela. Go thwe lesodu fa le utswile pudi kapa kgomo le duela ka pudi, pudi ka pudi, kgomo ka kgomo. Fa molato wa go utswa pudi o isitswe kgotleng, lesodu le tla atholwa pudi tse pedi e ngwe ke ya kgotla e jawa ke banna, e ngwe ke ya moutswediwa.

Fa go utswitse mosimane o duela ka mmele. Kaisara mosimane wa Mphatlhela Lebotlwane o kile a utswa pudi ya Senalebere monna wa Modimola a e rwala ka kgetsi a sia banna a tsena ka sekgwa.

3 E rile ka moso ga rongwa masogana go no batla, a mo gumana lengopeng la Ntshoatsane a mo tshwara a tla kgotleng ya Bohosi II. E rile banna ba nnetse molato wa pudi, ba bangwe ba re mosimane o tshwanela go duela ka pudi. Ke gona morena Ramabele a re ga nke go thualo fa mosimane a utswitse o duela ka mmele. Ke fa morena Bohosi II a tla re ke nnete taba e buwang ke rangwane mosimane o duela ka go tshinama. Ke gona Ramabele a tla tshinamisa Kaisara a rmetse thupa tse lesome fa mokgwatleng. Molato wa nama wa fela jaana fela.

Fa morena Ramabele Nawa mmuna phuti a kgaogane le Bohosi II ka baka la borena a agile Potwaneng basimane Mekia Makakaba le Molefe Modimola le Tilase Makakaba le Mokgatlane Nawa ba utswa pudi ya Sekgwamathe monna wa Ntladi mmuna phuti rangwana dikgosi tsa Mfatlha ba e jela thabeneng ya Ramaritshana. Banna ba bona marapo a yona le sebeso.. Basimane ga ba ka ba sekiswa ba ile ba tshinamiswa sakeng la Ramabele ba itewa ka moretlwa.

Lefi mmuna phuti wa Nawa o kile a utswetsa Tshitshila ngwana mogologwe seleng le tiki. A rile bo osa mmagwe Mmatlou a batla tshelate ya gagwe. Mmatlou a re go Tshitshila, "Ga nke re tsoga re timeditse go tla ba go ila go tlileng. Lefi e rile a utlwa jalo a bona gore puo di batlela go

4 yena ke fa a ya ka tlung, a tswela a tshotse madi a seleng le tiki a re o a bone a wetse gatshe.

Seabelo mmuna kwena monna wa Matsila wa Mfatlha ya agileng Metlhakeng e ne e re go segwa mabele otwaneng a beilwe ka dirala masimong a tloge a ye seraleng sa Seleke monna wa Modimola, a fitlhe a wolle ka kgetse bosiu a ise go Tompi mosadi wa gagwe. Ka moso Seleke o tla gumana lenao mme a le itse a bitse Sekwena Setshedi go tla mmontsha, monna wa Setshedi le yena o tla re ke lenao la Seabelo. Janong Seleke mmuna noko a le late lenao a bone le ya ga Seabelo a kgulare. Ka tsatsi le lengwe gape Seabelo a boyelela seraleng sa Seleke. Seleke a ya go yena a mmolelela, Seabelo a tlhoka mmuo, a name a duele ka kgogo ya namagadi di se be tsa ba tsa lebiswa mosate ga Ramabelo.

5 Bosodu fa go paka Makwena mosadi-mogolo wa Makgwane mmuna phu+i, o re ga se ba batho ba botlhe, ba bangwe ba simolola go utswa ka n'ha ya go tsaya-tsaya jaana ba lomeletswe ke batho gore kae le kae motho fa a bona sengwe sa motho a tswa pelo, a se utswa. Ja ka ka bosodu ba Dafita Matsila mmuna kwena le Lefi Nawa mmuna phuti ga Mfatlha ga ba tsalwa e le masodu, ba lomeleditwe.

Dafita Matsila e rile a tswa tiro kwa Bopedi a gumana mosadi metlhabeng ya dikwena a letile tshimo ya mabele fa go tlhogileng le magapu, a kopa mosadi legapu la sesia a le bona. Mosadi a re go Dafita, "Ema ke go batlele le lengwe le ke la monna wame".

6 Mosadi wa Letebele la Moletlane a name a tloge go batla legapu. E rile fa mosadi a sa ile go batla, Dafita a ipha legapu la sesia a itsamaela; mosadi fa a fitlha a fitlhela ngwana kgwale a jelwe ke mofero naga e rile oo. Mosadi a nana a betwa ke pelo a tihamakanya tsa gabo. Dafita Matsila e rile a fitlha fa Sebetiela a utswa pudi di le lesome a tsamaya a di rekisa tshetele, e rile fa a feta fa ga Rankane a bo a duela e lengwe a fitlha a e tlhaba dinama. A re a sa eja Jeki Nkobeni lewotlana la Rankane la fitlha la tshwara Dafita. Dafita a nama a thoma go utswetsa ruri fela.

Lefi Nawa yena go thwe e rile fa ngaka ya Letsolo e sa na go mo bofela lenaka le go mo tlhabela mmele ka meleko a gana go e duela go e fetsa; ke fa Lefi a tla thoma go tsaya-tsaya dilo tsa batho.

Banna ba Mmukubwane ba buswang ke Malebye mokgatla wa Mosetlha e re fa ba bona gore ba duediswa ga Mfatlha ba kgaole terata ya lefatsa la Lebotlwane ba tsenye kgomo tsa bona teng gore di nne di gumane metsi. E re fa ba sa na go e kgaola ba be ba e bofe. Janong banna ba ga Mfatlha ba bone, kgomo tsa Bakgatla nageng ya bona, ba batle gore di tsene kae. E re ba pota-pota terata ba gumane e kgaotswe Botlhabatsatsi ya ba ya bofswa. Ba boele gae ba bege tiro ye go Bohosi II, Bohosi II a rome Tau le Setlape go isa ditaba tse go Malebye kgosana ya Mmukubwane. Bakgatla ba nna lekgotla mme ba Mfatlha ba kopa tuelo ya pudi tse supang, Bamosetlha ba di ntsha pudi tse supang ka go utswa metsi ga Mfatlha ka go ripa terata.

Bagolo-golo ba re fa o utswatsa kgosi ga o senye o ya iphedisa. Mfete monna wa Nawa le Mmusi monna wa Nawa Eaphuting ba rongwa ke Bohosi II le lekgotla la mosate go ya kgethisa dikgomo tsa naga. Ba rile ba tloga ba tsena ka Monyagole go fitlha ga Dintshi le Metlhakeng, Matebele a ntsha dikgomo le ka dipudi. Ba rile ba fitlha (Rooiberg) ba rekisa tse dingwe mme ba fitlha masome a tshelalang a diponto. Le kajeno banna ba bangwe ga se ba gumane bopaki ba gore kgomo tsa bona di rekilwe bokae. Ja ka ka monna Josaya Motlhabane o ntshitse kgomo, a ntsha pudi, Motshusi ya agileng ga Dintshi monna wa Tsiane yena a ntsha ponto tse tharo a naya Mfete le Mmusi a se a ka a ba a gumana bopaki gore tshetele ya gagwe e fitlhile mosate Lebotlwane, le monna wa Motlhabane jalo fela. E rile fa kgosi Bohosi II a utlwa gore kgomo tse dingwe di rekisitse tseleng a mema kgotla la setshaba, banna bao ba tloswa ya go kgethisa dikgomo ka thomo. Fa lesodu le isitswe kgotla mme ga fitlhelwa le utswitse fela le se na sa tuelo go thwe bogolo-golo le ne le duela ka go kgwatha kgotleng, kgosi e supe monna wa go tiya gore a le betse ka moretlwa molato o fele fa. Fa monna a ne a tlasetswe ke lesodu bosiu o tshwanetse a bo a tshwere kuane kapa patla ya lona gore ka

583

K32/27

5*

8cont

moso ko kgotleng a supe sa lesodu. Banna fa ba itse patla kapa kuane
ba tla bolela leina la mong. Janong fa ba lemogile mong wa yona
go tla romwa monna a yo mmitsa a tle kgotleng ya banna go seka.
Mme o tla duela fa a na le sa gagwe, fa se se teng o tla utlwa
moretlwa.

END 583